

Enformaziuns y Comunicaziuns

Oraziun: En dédolönesc ai 29 de má ales 20:00 s'encunta te calogna le grup de oraziun con signor Sepl Granruaz. Düc é enviês y bënödüs.

Conzert/1: Le cor da Viena "cantus iuvenis" - sot ala direziun de André Comploi - se presentëia con le conzert dal titul "Trus", en vëndres, ai 1. jügn dales 19:30 tla Ciasa Ragen a Bornech y en sabeda ai 2 de jügn dales 20:00 tla Ciasa J. B. Runcher sön Badia. Le program da corusc se dá con i trus desvalis dla vita tres stils musicalis desvalis. Al sará ince da aldí la premiera dal toch "Le lisció", scrit aposta por le cor. Les parores é de Iaco Rigo, la musiga de Iarone Chizzali.

Conzert/2: La Scora de Musiga enviëia al conzert de conclujun, en dedemesaledema ai 6 de jügn ales 18:00, tal salf dles manifestaziuns da Corvara.

Comun/1: Le Comun de Mareo lascia alessëi che al vën scrit fora en post da cogo/cöga por la scolina d'Al Plan por l'ann de scora 2018/2019. Les domandes é da dé jö anter i 4 de jügn ales 11:00, te Comun. Enformaziuns al 0474/503753.


Comun/2: Le Comun lascia alessëi che en sabeda ai 2 de jügn vån coi tiers tla Val dai Tamersc. Al vën perie da i dé jö al famëi i dac dai tiers (Rinderpass). Por i tiers co vën motüs sön Fodara Vedla, é i dac da dé jö anter i 7 de jügn te Comun o al assessur Patrick Complojer.

Comun/3: En lönesc ai 28 de má dales 11:30 ales 12:30 vëgnel coiü adöm le ciomont da tosser, dan ciasa de comun.

Dotur: Le dotur Edo Agreiter lascia alessëi che al sará demez tla edema dai 4 ai 8 de jügn. Al gnará sostituí dla dra. Mahlkecht, tel. 349/0667034.



La comunité d'Al Plan ti aoda döt le bun, sanité y benedisciun ai geniturs **Lukas Huber y Verena Rastner** por le Bato de picia **SOPHIE MARIA**.



Gejú á dit: „*Chi co creí te me, vir ince sce ai mör!*“
La comunité d'Al Plan tol comié da **Clara Frenner vëd. Punturieri** morta al'eté de 98 agn. Ai familiars les condolianzes plü sontides. Che al pálsi tla pêsc.

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. **333 4762010** Mail: ploaniaalplan@gmail.com
Download plata: www.unitepastorala.org



Plata dla Ploania Al Plan de Mareo San Vighile

Ploan: Signor Heinrich Perathoner
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann B 27.05.2018 - Festa dla SS. Trinité - Domëgna dla Familia nr. 26

I sun pa os düc i dis, cina ala fin dal monn!



Dal Vagnele do San Mateo 28, 16-20

Te chël tomp ¹⁶é i ònesc discepuj jüs tla Galilea sön la munt che Gejú ti á dé dant. ¹⁷Y canch'ái á odü Gejú, s'ái enslené dan da d'él. Mo valgügn dubitâ. ¹⁸Danló ti é Gejú jü pormez y ti á dit: A me m'él dé dōta la potesté tal cí y söla tera. ¹⁹Porchël jide da düc i popui y fajede fora de dōta la jont mi discepuj; bacedi tal ennom dal Pere y dal Fi y dal Spirit Sant, ²⁰y ensignedi da osservé dōt ci che iu s'á racomané. Ciarede: I sun pa os düc i dis, cina ala fin dal monn. **Parora dal Signur. - Lalt a te, Gejú Crist!**

Bel Dio plën d'amur...

i te laldun y te rengraziun,
che te ciare de nos, ne se lasces mai susc,
te s'accompagnes y se mostres i dër trus.
Bel Dio plën de bunté,
t'es pere y t'es oma por vigne porsona,
te Gejú este en fre co s'ò bun y pardona,
tal Spirit Sant la forza co s'unësc
te na gran familia, olache amur y respet crësc.
Bel Dio nosc Signur,
i te periu: benedësc nosta familia y nosta uniu
benedësc i geniturs, les mitans y i mituns,
benedësc i neni, les lâs, les nëzes y i nus.
Dái Tōa benedisciun olache families se vën,
mo ince olache nia plü adöm les tën.
A te nes afidunse tla ligrëza y tal dolur
Bel Dio - Tō amur. Amen (*Annamaria Fiung*)



La Comunité ti fej les mius aodanzas ala cōga Josefa Prousch por i 80 agn complis cōst'edema. Sefl, döt le bun y dër bel iolan por le sorvisc che i Èis fat y fajëis dōtaorela te calogna y por la comunité.

Domègna: 27.05.2018: Festa dla SS Trinité – Domègna dla Familia



oferta por i bojügn dla ploania

- 9.00:** Corona por +nta Clara Frenner - Punturieri
10.00: S.M. de ringraziament por les Families
2. Requiem por +nta Clara Frenner - Punturieri
11.30: Funziun dal Bato: Gabriel Erlacher y Moritz Palfrader

- Lön. 28.05.:** **Feria dla 8. edema dal ann: S.Germanus, S.Wilhelm**
7.30: S.M. de renger. por Fam. Kastlunger Willi y Margot
S.M. por Fam. Rindler Alois y Anna
S.M. por +nta Ida Pisching de Candido
S.M. por +nta Kastlunger Paula dal Medo

- Dédol.29.05:** **Feria dla 8. edema dal ann: S.Maximilian, Sa.Bona**
19.30: Corona dedicada ala devoziun al Sacher Cör de Gejú

- Dédem 30.05:** **Feria dla 8. edema: S.Ferdinand, Sa.Jeanne**
18.00: 3. Requiem por +nta Clara Frenner - Punturieri
S.M. por +nt Carlo Tamers de Burcia
S.M. por +nc' Hubert y Anni Mutschlechner y Ernesto Trebo
S.M. por +nta Lidwina Promberger, Gran Pré

- Jöbia 31.05:** **Jöbia dla 8. Edema dal ann: Sa.Petronilla, Sa.Mechthild**
19.30: Prozesciun por la fin de má ete dal Ciüch

- Vèndr.01.06:** **1. Vèndres dal mens: consacré al Cör de Gejú**
7.10: S.M. por i scolari
S.M. por Fam. Schweigkofler Marianna con Familia
S.M. por +nta Angela Ties da Taibun
S.M. aniv. por +nt Trebo Pepi, Villa Toni
Cörta funziun en onú dal Sacher Cör de Gejú
13.00: Al vègn porté la S.Comuniun ai Amarès
15.00: Ora de oraziun

- Sab.02.06:** **Sancta Maria in sabato: S.Marcellino, S.Armin, S.Eugen**
17.00: Poscibilité da se pissié
18.00: S.M. 1. aniv. por +nt Carlo Erlacher dal Craizer
S.M. por +nt Pire Maneschg da Ciane
S.M. por +nt Carlo Sorbatelli
S.M. por +nc' Call Loise y Jep, dal Bocá

- Dom.03.06:** **Solenité dles Antlès: Prozesciun Eucaristica**
Oferta por i bojügn dla Ploania
9.30 S.M. sol. en onú y renger. dal Eucaristia
Prozesciun Eucar.: con 2 Vangeli y Benedisciun
15.00: Funziun dal Bato: Huber Sophie Maria
18.00: Prozesciun dle Antlès a Mantèna
Benedisciun dal rü y dai punc'



Ss. Trinité

Fede cristiana

Le mister dla Ss. Trinité é por nos porsones ma da capí tres la fede; a so spirit, co proa da damané, capí, enrescí ti romagnarál entres ascognü. Altamo con imajes ó la jont se fá na imaginaziun de cösc mister divin. De bones pilores simboliches, mo la realté de Chël Bel Dio é atramonter y ma chël co creí ti röa pormez.

Da ponsé do: Fede

“Sce osta iustizia ne sará nia maiú co chëra dai doturs dla lege y dai farisei, ne roarèse nia tal Règn dal Ci.” (Mt. 5,20)

Al é na desfaronzia ennanter fede y fede.

Al é na fede

co despartesc y öna co condüj adöm.

Al é na fede

co ghira y condanëia y öna

co orientëia y dëida.

Al é na fede

co copa y öna

co dá sostegn y coraje.

Al é na fede

co fej lède por la comprenjiun y öna

co stimolëia l'intoleranza.

Al é na fede

co vá en direziun dla porsona y öna

co destol l'atenziun da d'era.

Al é na fede

co mostra le tru dal aiüt y öna

co spliga döt desco destin.

Al é na fede

co assöa lagremes y öna

co endorësc le cör.

Al é na fede

co descèda morc y öna

co empedesc la vita.

Al é na fede

co stimolëia la fantasia y öna

co te lascia sonza imaginaziun.

Al é na desfaronzia ennanter fede y fede. (Josef Dimbeck, Martin Gutl)

Sorvisc dai Ministronc

Lönesc 28/05 (07:30h), Dédemesaledema 30/05 (18:00h), Vèndres 01/06 (07:10h): Isabel y Sandra Ties;

Jöbia 31/05 (19:30h) Prozesciun: Pia Videsott, Giovanni Comploi;

Sabeda 02/06 (18:00h): Sofia Castlunger, Emma Daverda, Chantal Feichter, Serena Alessandri, Hannes y Lara Ploner, Jan Paul Promberger, Mattia Leggio;

Domègna 03/06 (09:30h) Les Antles: Moltina Clara, Matteo Huber, Lara Fappani, Sofia Alberti, Marco Alberti, Susan y Claudia Kaneider, Lucy Call, Madalena Deval, Elisa y Emanuel Frenademetz, Anna, Linda y Luca Clara;

N. B.: Düc i ministronc é entres begnodüs da gní a sorví, ince sce ai n'é nia scric sö!

Hans Baldung Grien, Trinität und mystische Pieta, 1512



Das Bild erweckt den Eindruck einer doppelten Trinität. Einmal wie üblich Gottvater, Sohn und Heiliger Geist; die andere: die trauernden Maria und Johannes mit Jesus. Beides Mal steht der leidende und sterbende Jesus im Mittelpunkt. Seine Liebe, die bis in den Tod gegangen ist, ist der Schlüssel zum Verständnis der göttlichen Dreifaltigkeit. In ihr erfahren wir die ganze Fülle der Liebe Gottes – des Schöpfers, des Erlösers und des Beistands.

